

新北市溪洲國小 107 學年度校內語文競賽

中年級客語朗讀文章(四縣腔)

編號 01 號

【蹶山】劉玉蕉原作

天旨光，狗旨吠，阿姆就在該咻哩！「阿榮啊，好疏哩，日頭愛出來哩哟！」

「阿珍妹，遽遽著鞋哟，愛出門哩哟！」

天甫甫仔光，日頭還在該睡目，偌兜一屋下人就目擘擘仔起腳行，共下去蹶小中崙山哩。路狹狹仔，草面頂个露水旨散，分偌兜个腳徑啊著，就歸串歸串碾落地泥，一粒一粒金皙皙像珍珠樣仔，靚到耐毋得！吾心肝肚偷偷想：若係用佢兜來串一條珍珠骰鍊，送分阿姆戴，毋知幾靚仔哦！

涼爽个風，一陣一陣吹來，路脣个花花草草，分佢吹到搖頭拗腰，領頭行禮，就像該戲臺面頂，煞猛表演个大明星共樣。行到山下，老妹湊偌拚輸贏，看麼人先跋上山嶺頂去。兩儕就恁樣頭磬磬，麼人都毋認輸，相爭拚往上。偌座大當然輸毋得，歸路毋敢停跔，嗶嗶噗噗大氣緊啟，直直拚上山，蹶到山頂，揪等心臟，佢斯跳到硬硬像愛恬忒樣仔哦！

「哇！山頂个風當涼呢！」看往下，老妹還在半山排，厥个面頰卵紅啾啾仔，偌看哪，廟肚个關公都無佢恁紅哦！一張嘴擘啊擘

仔，又像細狗仔啟氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身仔鬆爽，吹到人透心涼，進前蹶山个艱苦，到這下也做下毋記得也！樹頂絡食个鳥仔齊齊啾啾，跳上跳下叫無停，草實个蟲仔毋願輸佢，也唧唧滾應聲。打早，山頂就恁仔鬧熱齊齊哩！眺望該山下，遠遠个東勢，到今還蒙等一層紗，在濛紗煙裡肚睡到毋知好醒呢！

「遽遽，大家看！還靚哦！」

東片个雲像打吡粉樣仔，紅霞紅霞。紅霞退忒，係千條萬條个金色光，對山仔个後背射出來，無幾久，一粒大火球，就對山頭跳出來哩，晟到人擘毋開目，晟到濛紗遽遽隱身。日時頭个事頭，對這下正正式起勢呢！

企在山棟頂，偌兜放勢牯享受打早个光景，登高眺望个開闊視野，使人心情快樂，分人知得感恩，感恩大自然賜分偌人恁仔个好環境。阿爸長透講：「早疏床个鳥仔就有蟲仔好食。」到這下，偌總算體會著這句話个意思哩！

新北市溪洲國小 107 學年度校內語文競賽 中年級客語朗讀文章(四縣腔)

編號 02 號

【擲牙齒】陳美燕原作

頭擺個時代，生活環境無現下恁好，衛生教育還唔普遍，大家對保護牙齒個觀念也無恁詳細。像佢，就朝晨頭跣床搓一擺牙齒定定，嘴又豺¹，當好食糖仔；故所，佢對自家做細人仔個時節，輒輒牙齒痛個印象當深。

牙齒一痛啊起來，會收人個命哩！細人仔噉到噉殺天²，大人無結無煞。該央時無麼個止痛藥，阿姆喊佢：「冷水含等！毋好緊噉！」講越噉會越痛。背尾，換牙齒該下，阿姆吩咐佢：試著舊牙有一滴仔搖，就愛用舌嫌緊西³，續等，兩支手指拈等牙齒搖分佢敲，做毋得羊噉⁴驚痛。若係毋煞猛牯搖，等新牙暴出來無位仔好企個時節，「歸口牙齒生到歪哥泊杈⁵，該就嬾哩啲！」阿姆逐擺恁樣嚇佢。

細門牙旁脣該兩支「虎牙」也盡重要，阿姆講無較細義兜仔，暴出尖尖翹翹個「豬哥牙」來，該就壞蹄吔哪！成時，佢看佢懈懈

怠怠⁶、無要無緊樣仔，將就拿一條白車線，摺吾牙齒綯纏纏，出力一掙⁷，牙齒就跣等白線飛出來咧。上齡⁸擲著個牙齒，腳愛企比比⁹擲去眠床下；下齡擲著個愛擲上屋頂，講恁樣牙齒生著正會齊。

記得佢有一支後角個大牙，係分做「撮把戲」個人擲忒个。該央時，佢讀小學兩年生，有戲班仔來莊頭做戲兼賣藥仔。佢兜賣一種止痛藥水，講牙齒痛個時節點落去做得止痛，牙齒擲忒了後來點，較遽收口止血。佢問現場個細人仔：「有麼儕个牙齒敲敲無？佢摺佢擲毋使錢呢！」佢緊講緊行到吾面前。奇怪哩，佢就無講愛分佢擲啊！佢噉喊佢嘴擘擘打開開，擎一支鋏仔，手腳伶俐就摺吾牙齒擲忒咧。背尾佢想，定著係企在後背个阿姆偷偷摺佢講个。

到較大來，了解牙齒个重要性，曉得細心細意注意牙齒个健康。當愛靚个佢逐擺看著自家个牙齒生到齊齊無歪忒，正知愛感謝阿姆該央時恁有耐心教佢。

¹ 豺：音 saiˋ；嘴饞、貪吃的樣子。

² 噉殺天：音 veˋ vɔŋˋ sadˋ tienˊ；高聲呼叫。

³ 西：音 teˋ；用舌頭往外推。

⁴ 羊噉：音 iɔŋˊ veˊ；嬌慣，動輒大叫。

⁵ 歪哥泊杈：音 vaiˊ goˊ qi ca；歪斜不正。

⁶ 懈懈怠怠：音 hai hai tai tai；懶散不勤勞。

⁷ 掙：音 duiˋ；用力拉特定對象，使其脫離原本所在的位置。

⁸ 上齡：音 sɔŋ ngamˊ；上顎。

⁹ 企比比：音 kiˊ beˋ beˋ；站齊。